

朱雀天皇事記 史料九十八 十一上


和書門			
四〇九	一	九九三	類
冊	架	函	號

和書
史
三七
號

內閣文庫			
二〇一	四〇九	九三	和書
冊	冊	號	類

(二〇一)

內閣文庫	
番號	和 93
冊數	409 (104)
函號	141 131



大德寺之七卷八

永享大德寺之卷十一

大德寺之卷五

五月大丁初朔

四月廿七日

大德寺之卷六

大德寺之卷四


大德寺之卷三

史料卷之九十八

朱雀天皇事記第十一上

天慶三年正月

天慶三年庚子





正月大 丁卯朔
四方拜無出御事

江家次第四方拜條云臨時設座不出御例

天慶二年同三年

節會依兵乱停音樂事



日本紀略云正月一日丁卯宴會無音樂依
東國兵亂也

園太曆云兵革時節會例天慶三年正月一
日不出御無音樂

山槐記云天慶三年正月一日小野宮殿記

云晚有節會余為實賴內辨但衛府佐等帶弓箭

者于時小野宮殿大納言右大將也

三節會次第云警固中節會事天慶三年衛

府公卿用常裝束

上卯杖不奏腹赤事

園太曆云天慶三年正月一日丁卯天皇不

御南殿御杖并御曆等奏皆付內侍所無腹

赤奏又無音樂是依有東海山陰山陽三道

凶賊機急警固等事甚警也

補東海道等追捕使事

日本紀略云今日任東海東山三陽道等追

捕使以下十五人其中東海道使從四位上
藤原忠舒東山道使從五位下小野維幹山
陽道使正五位下小野好古
三日己宮城諸門構造矢倉事
園太曆云天慶三年正月三日今日羨濃國
解文到來諸卿有議定宮城四方諸門皆令
構造矢倉為禦凶賊也

吾妻鏡云元久二年六月廿二日問注所入

道善信相談于廣元朝臣云朱雀院御時將
門起於東國雖隔數日之行程於洛陽猶有
如固關之構上東西兩門始被建扉云二

阿闍梨明達於延曆寺四王院修四天王法事
明匠略傳明達律師傳云天慶三年正月三日
於延曆寺四王院以十五口伴僧修四天王法
四日庚追捕警固官符請印事

園太曆云四日諸卿參入有結政請印事追

捕警固事等也

太政大臣忠平依兵亂停大饗事

又云今日无太政大臣大饗

六日^壬停叙位議事

園太曆云六日左大臣已下諸卿參入無叙位議

伊勢奉幣并加諸國名神一階事

又云是日太政大臣召外記五畿七道名神等
可奉增一階之由可作祈文者為東西兵革也

又有伊勢奉幣事是武藏權守興世平將門等

東國成謀逆藤原純友西國企暴惡之故也

又云天慶三年正月六日太政大臣於式曹

司召大內記文明仰云五畿七道名神等可

被奉增一階之由可作祈文者則成草案進

覽之為平東西兵亂也付神祇官令祈申今

日中納言被行伊勢奉幣事

源平盛衰記云凡兵革ノ祈禱天下安穩ノ為ニ

諸國ノ神明ニ被增一階事代ノ例也仁明天
皇御宇嘉祥四年正月ニ天下諸神不論有位
無位共叙正六位上云官符ヲ被下ヨリ以降朱雀
院御宇天慶三年正月諸國諸神奉增一階
諸社根元記云八所御靈寛平九年十二月
十三日從五位下天慶三年正月六日從五
位上按又見神階記
園太曆云近江國栗太郡小杖社神主源重

頼申文當社神明者國中無雙之鎮守郡内
五所之隨一也寛平十年正五位下小杖神
今正五位上延喜十一年被授從四位下之
由具見國史等其後天慶三年已來天下諸
神奉增一階宣下及度ニ之間至建治元年
相當從一位之神也
七日癸酉白馬節會停音樂事日本紀略云七日癸酉宴會無音樂不出御

依東國兵亂也

園太曆云天慶三年正月七日無出御依兵亂止音樂仍不構舞臺諸奏付內侍所

西宮記裏書云天慶三年正月七日上不出御依兵亂止音樂故不構舞臺又依懸左近

警固幕施屏幔廊北柱云二今日依警固諸衛次官已上帶弓箭不用仗槍但兼武官公

卿依常儀云二

按又見山槐記園太曆等

發遣伊勢使事

日本紀略云遣使於伊勢太神宮祈東國賊事依宮中穢不奉幣物

北山抄云天慶三年正月七日依賊亂事奉遣伊勢使依宮中穢無御幣故實也內記所作告文給使令書寫之

八日甲戌御齋會始事

園太曆云八日御齋會始也

九日^{乙亥}武藏介經基蒙密告賞右衛門權佐俊
等除名事

日本紀略云九日乙亥以武藏介源經基叙
從五位下依申東国凶賊平將門謀反之由
也解却右衛門權佐源俊左衛門尉高階良
臣勘解由主典阿蘇廣遠等以上三人為推
問東国使屢申障不發向之故也
按扶桑略
記將門記
以經基叙位為
三月未知孰是

九十八之六

園太曆云九日左大臣以下參入武藏守恒
基授從五位下密告將門興世事賞也
天慶五年外記日記云去天慶二年被差充
問東國密告使致逗留之者右衛門權佐源
朝臣俊左衛門少尉高階良臣勘解由主典
阿蘇廣遠等以同三年正月被追官位
北山抄收罪人位記條云延喜十一年^悅天
慶^俊等例給官符於京職

新儀式云朝士若有罪者隨其輕重或追位

或解官

追位者奉使不下并諸國受領吏無故不赴任類也近則從四位上源俊

天慶二年奉推問使不下之類也

懲肅之後經二三年有復

本位本官者

天慶三年源俊追位天慶五年復本位

十一日丁丑募東海東山兩道諸國令討賊徒事

日本紀略云十一日賜官符於東海東山道

應拔有殊功輩加不次甲賞事

按又見帝王編年記將門記等

扶桑略記云正月十一日官符云太政官符

東海東山道諸國司應拔有殊功輩加不次

賞事甲右平將門積惡彌長宿暴暗成猥招烏

合之群只宗狼戾之事寃国宰而奪印鎰領

縣邑而事抄掠輕俠之黨愚恣之徒或欲免

一朝之辱自赴勸誘之屬或擬延片時之命

多入劫略之中將門不顧微分還忘朝憲遂

恣逆乱之意更夾窺窬之謀縱有帶甲之千

萬何犯畫象之化縱有驍勇之數百何越紆

帶之城獨知井底之廣空忘海外之守關
以來本朝之間叛逆之甚未有此比適懷異
心之志空遇族滅之誅皇天自可施天誅神
明何有秘神兵抑一天之下寧非王土九州
之內誰非公民官軍黠虜之間豈無憂國之
士乎田夫野叟之中豈無忘身之民乎者左
大臣宣奉勅宜仰國宰若殺魁帥者募以朱
紫之品賜以田地之賞永及子孫傳之不朽

又斬次將者隨其勲功賜官爵者諸國承知
依宣行之普告遐邇令知此由符到奉行右
少弁正五位下兼行內藏頭源朝臣相職從
五位下行右大史尾張宿禰言鑒按又見本
朝文粹
十三日己卯諸社奉幣事
北山抄云十三日奉幣諸社依八省御齋會
間不奉伊勢

十四日庚辰御齋會終并內論義事

十園太曆云十四日御齋會終也

西宮記裏書云吏部記云天慶三年正月十

四日官幕饗了入內候宜陽殿布施堂事了

十公卿又參入日上仰外記令入衆僧云二依

警固候御前公卿帶弓箭候之及于給布施

武官公卿置弓取祿更歸本所持弓復座云

云（以下文字模糊）

小除目事（以下文字模糊）

日本紀略云十四日庚辰任追捕凶賊使等

園太曆云今日有小除目事橘保遠以下八

人任坂東國二掾是依將門防戰賞也按保遠恐

遠保之誤

令法琳寺別當泰舜修太元法事

法琳寺別當補任云阿闍梨泰舜天慶三年

自正月十四日於法琳寺一七箇日被始行

太元法是為將門降伏也助修廿人也前後

合二七箇日也

三僧記類聚云太元法臨時被行例天慶三

年正月恒例御修法之次依平將門事一七

箇日被延修之同月廿一日被結願之同年

二月十五日彼將門於下總國被討之

東寺長者補任云泰舜天慶三年將門逆亂

之時為太元阿闍梨行與立劔輪法彼法有

六印結其印之時獨古半折而去此日二月十四

九十八之十

日將門為官軍被討殺此時天台尊意和尚

獨古同折去被行不動法云二

扶桑略記云公家於大膳職被修小栗栖法

琳寺之大元法古老傳言壇中血出云二九

神社佛寺祈請事等不可勝計按又見帝王編年記

十五日辛巳授越前國足羽神等位階事

日本紀略云十五日奉授越前國正四位上

足羽神、位加賀國後四位上管生神正

四位下

十六日壬午踏歌節會事

西宮抄云天慶三年正月十六日天皇不出

御内弁大納言實賴召舍人不候仍以召使

為代雅樂欲奏樂之間内弁仰外記令停止

又内弁以見參令外記奉大相府職御曹司

云二

三節會次第云大舍人不參例西宮云以召

使為代官承平四年正月十六日以召使為

代官天慶三年正月十六日同

十九日乙酉參議忠文任征東大將軍事

日本紀略云十九日乙酉勅以三議修理大

夫藤原朝臣忠文任右衛門督為征東大將

軍按公卿補任吾妻鏡征東作征夷北山抄職源抄神皇正統記等同本書

公卿補任云參議正四位下藤忠文修理大

夫正月十九日兼征夷大將軍同日兼右衛

門督大夫如元

吾妻鏡云元曆元年正月十日庚子伊豫守

義仲兼征夷大將軍云二粗勘先規於鎮守

府宣下者雖及七十度至征夷使者僅為兩

度歟所謂桓武天皇御宇延曆十六年丁丑

十一月五日被補按察使兼陸奥守坂上田

村麻呂卿朱雀院御宇天慶三年庚子正月

十八日被補參議右衛門督藤原忠文朝臣

九十八之十二

等也

按十八當作十九

江談抄云天慶征討使之時朝議以堪其事

欲以元方為大將軍元方聞之云大將軍所

言一事以上國家無不被用若被拜大將軍

者必請貞信公子息一人為副將軍云二曰

茲寢此議云二

為將門調伏於諸寺令修法讀經事

天台座主記裏書云天慶三年正月十九日

仰東國凶賊等可鎮護之由依去承平五年
海賊例於諸大寺可轉仁王經又比叡山座
主尊意石清水檢校義海等各率十口修大
威德法

僧綱補任云尊意天慶三年二月為降伏將
門於延曆寺講堂修不動安鎮國家法將門
帶弓箭見壇燼炎中

按又見源
平盛衰記

太平記云朱雀院ノ御宇ニ金銅ノ四天王

九十八之十三

ヲ天台山ニ安置シ奉天將門ヲ亡サレ又

按本書失月日姑以類
附此扶桑略記等亦同

扶桑略記云世相傳云於東大寺羅索院執
金剛神前七大寺諸僧集會祈請將門調伏
之由然間數万大蜂遍滿堂內迅風俄來吹
折執金剛神之髻系數万之蜂相隨髻系向
東穿雲飛去時人皆謂將門誅害之瑞也一
云東大寺羅索院後有等身執金剛神之像

頭光右方天衣切落古老云天慶之比有平
將門謀危國家兵革無絕公家為免其難祈
請此寺神像已隱廿餘日寺家稱恠異屢經
奏聞疑合戰之不利彌以恐怖不經幾日像
已立本壇之跡見其天冠之飾右方已失落
又其身濕如流汗現為賊被射損之相也依
此祥異遂梟將門之首按又見帝王編年記
東大寺要錄云羅索院天平五年歲次癸酉

創建立也良辨僧正安置不空羅索觀音菩
薩像當像後有等身執金剛神是僧正本尊
也其執金剛神像頂髻右方之飾切落古老
相傳云去天慶年中將門之亂時為鎮護國
家祈請當寺于時此神王髻中有結其右方
忽成大蜂飛入雲中指東方去喫螯將門依
此冥助輒以征伐由彼神王有所示現為護
王城向北方立云二

醍醐寺縁起云五大堂延喜御願為朝敵降
伏造營之其後承平之正門調伏之時本尊
所持之劔血現云二

廿一日丁亥伊勢奉幣事

北山抄云廿一日奉幣伊勢以參議保平宿
祢氏瞻王為使寬平例也東廊上卿座北設
使參議座南面在本座給宣命出自東福門
小右記云故殿御記云天慶三年正月廿一

九十八之十五

日丁亥早且參入發伊勢使依寬平例以參
議保平宿祢氏瞻王為使昨日密勅事今令
奏聞

伊勢公卿勅使雜例云朱雀一度踐祚後天

慶三年正月廿一日參議伴保平宣命賊乱

事

太神宮例文云伊勢公卿勅使天慶三年二

月參議伴宿禰保平中臣祭主賴基按二當

作正

廿二日戊子令僧淨藏調伏將門事

扶桑略記云廿二日善相公清行男定額僧沙門

淨藏為降將門於延曆寺首楞嚴院期三七

日修大威德之法然間將門帶弓箭現立燈

盞人二見驚然鏘聲自壇中出指東去畢淨

藏既知將門降伏按又見一代要記古

廿四日庚寅令僧明達修調伏法事

扶桑略記云廿四日有勅遣延曆寺阿闍梨

明達於美濃国中山南神宮寺令修調伏四

天王法按明匠略傳作毘沙門天王法擢授

内供奉十禪師于時燒香之煙遍滿寺中助

修僧侶卅人各掩其鼻將門被誅之日臭香

滿国結願之時賊主將門其首到來

明匠略傳明達律師傳云廿四日為降伏凶

賊平將門奉修毗沙門天王法至二月十三

日二中時自東方赤色雲飛來入爐中厥後

鼻穢氣滿於堂中伴僧及諸人見之同廿四
日未時將門之首飛驒使狛運來公家万衆
喜悅彼爐中入赤雲次日被誅也

廿五日辛卯遠江伊豆等國言上凶賊濫行狀事
日本紀略云廿五日遠江伊豆等國連署解
狀來狀云官符使卜部松見於駿河國為群
賊被奪取了又駿河國岫崎關為凶黨被打
破又兵來圍國分寺奪取雜物射殺人民

廿七日癸巳不待本任放還請印相摸介國幹等
任符事

類聚符宣抄云相摸介從五位下藤原朝臣

國幹元右京亮下總守從五位下安倍朝臣恒鑿

元陸奥介上野介從五位下平朝臣清幹元大下

野守從五位下大江朝臣朝望元大炊頭右中納

言藤原朝臣師輔宣奉勅件等人宜不待本

任放還請印任符者天慶三年正月廿七日

權少外記伊福部安近奉

[Faint bleed-through text from the reverse side of the page]



史料卷之九十八

紀惟新書

九十八之十八

